

薛立齋醫案全集

辛酉孟夏中澣
薛立齋署



吳郡薛己著

論瘡瘍二十六脈所主

浮脈之診。浮於指下。按之不足。舉之有餘。再尋之狀如太過。瞥瞥然見於皮毛。其主表症。或為風。或為虛。浮而大散者。心也。浮而短滑者。肺也。浮而數者。熱也。而反惡寒者。瘡疽之謂也。

洪脈之診。似浮而大。按舉之則泛泛然滿三部。其狀如水之洪流。波之湧起。其主血實。積熱。瘡腫。論曰。脈洪大者。瘡疽之病進也。如瘡疽結膿未成者。宜下之。膿潰之後。脈見洪大。則難治。若自利者。不可救也。滑脈之診。實大相兼。往來流利。如珠。按之則累累然滑也。其主或為熱。或為虛。此陽脈也。瘡疽之病。膿未潰者。宜內消也。膿潰之後。宜托裏也。所謂始為熱。終為虛也。

數脈之診。按之則呼吸之間。動及六至。其狀似滑而數也。若浮而數。則表熱。沈而數。則裡熱也。又曰。諸數為熱。仲景云。脈數不時見。則生惡瘡也。又云。肺脈俱數。則生瘡也。診諸瘡。洪數者。裡欲有膿結也。

散脈之診。似浮而散。按之則散而欲去。舉之則大而無力。主氣實而血虛。有表無裡。瘡腫膿潰之後。而煩痛尚未痊退。診其脈洪滑粗散者。難治。以其正氣虛。邪氣實也。又曰。肢體沈重。肺脈大則斃。謂浮散者也。長脈之診。按之則洪大。而長出於本位。其主陽氣有餘也。傷寒得之。欲汗出自解也。長而緩者。胃脈也。百病皆愈。謂之長者。則易治也。

芤脈之診。似浮而軟。按之中央空兩邊實。其主血虛。或為失血。瘡腫之病。診得芤脈。膿潰後易治。以其脈病相應故也。

牢脈之診。按之則實而弦。且沈且浮。而有牢堅之意。若癰癰結腫。診得牢脈者。不可內消也。

實脈之診。按舉有力而類結。曰實。經曰。邪氣勝則實。久病虛人得此最忌。瘡疽之人得此宜急下之。以其邪氣與臟腑俱實故也。

弦脈之診按之則緊而弦其似緊者為弦如按弦而不移緊如切繩而轉動以此為異春脈浮弦而平時見則為飲為痛主寒主虛瘡疽論曰內寒外熱欲發瘡疽也

緊脈之診似弦而緊按之如切繩而轉動其主切痛積癖凡瘡腫得之氣血沈滯也亦主痛也

瀉脈之診按之則散而復來舉之則細而不足脈瀉則氣瀉也亦主血虛瘡腫潰後得之無妨也

短脈之診按舉則不及本位內經曰短則氣病以其無胃氣也諸病脈短者皆難治瘡腫脈短真氣短也細脈之診按之則縈縈如珠絲而欲絕舉之如無而似有細而微其正亡陽衰也瘡腫之病脈來細而沈時值者裡虛而欲變症也

微脈之診按之則軟小而極微其主虛也真氣復者生邪氣勝者危瘡腫潰後脈微而勻舉自瘥也

遲脈之診按舉來遲呼吸定息方得三至其狀似緩而稍遲痼疾得之則善新疾得之則正氣虛僅瘡腫得之潰後自痊也

緩脈之診按之似遲而稍駛於遲仲景云陽脈浮大而濡陰脈浮大而瀉陰陽同等謂之長緩脈見長緩百疾自瘳凡瘡腫潰後其脈瀉遲緩者易愈以其脈病相應是有胃氣也

沈脈之診舉之不足按之方見如爛綿其主邪氣在臟也水氣得之則逆此陰脈也瘡腫得之邪氣深也伏脈之診比沈不同伏於筋下推筋而後見與沈相類而邪氣益深矣

虛脈之診按之不足極大而軟輕舉指下豁然而空經曰脈虛則血虛血虛生寒陽氣不足也瘡腫脈虛宜托裏和氣養血也

軟脈之診按之則如帛在水中極軟而沈細亦謂之軟其主胃氣弱瘡腫得之宜補虛排膿托裏

弱脈之診似軟而極微來微而似有仲景云微弱之脈綿綿如瀉膝之絕其主血氣俱虛形精不足大抵瘡家沈遲濡弱皆宜托裏

促脈之診按之則去數來時一止而復來仲景云陽盛則促主熱蓄於裏也下之則和瘡腫脈促亦宜下之

結脈之診按之則往來遲緩時一止而復來仲景云陰盛則結經曰促結則生代則死
代脈之診其止有常數而不忒如十動一止雖數十次皆見於十動之後如二十動一止雖數次皆見於
三十動之後代者氣衰也諸病見之不祥凡瘡腫之病脈促結者難治而況見代脈乎

動脈之診見於關上無頭尾如豆大厥厥然而動搖者是也脈經曰陰陽相搏故謂之動動於陽則陽氣
虛而發厥動於陰則陰氣虛而發熱是陽生於尺而動於寸陰生於寸而動於尺不可不辨也

謹按脈者人身之造化病機之外見醫家之準繩不可不精究而熟察至於太谿衝陽又為診法之要
生死之機也故十二經脈皆係於生氣是氣者人之根本寸口脈平而死者生氣獨絕於內也難經云
上部有脈下部無脈其人當吐不吐者死上部無脈下部有脈雖困無能為害是脈有根本人有元氣
也夫人受氣於穀乃傳於臟腑清者為榮濁者為衛榮行脈中衛行脈外陰陽相貫如環無端周流一
身晝夜各有常度其不相應者病也病至於甚脈道乃乖抑附治雀啄屋漏之類若因藥餌剋伐所致
急用參芪歸木薑附之劑多有復生者不可遂棄而不治也

論瘡瘍五善七惡主治二

瘡瘍之症有五善有七惡五善見三則瘡七惡見四則危夫善者動息自寧飲食知味便利調勻膿潰腫
消水鮮不臭神彩精明語聲清朗體氣和平是也此屬腑症病微邪淺更能慎起居節飲食勿藥自愈惡
者乃五臟虧損之症多因元氣虛弱或因膿出水多氣血虧損或因汗下失宜榮衛消鑠或因寒涼剋伐
氣血不足或因峻厲之劑胃氣受傷以致真氣虛而邪氣實外似有餘而內實不足法當純補胃氣多有
可生不可因其惡遂棄而不治若大渴發熱或洩瀉淋閉者邪火內淫一惡也竹葉黃芪湯氣血俱虛八
珍湯加黃芪麥門五味山茱萸如不應佐以加減八味丸煎服膿血既泄腫毒尤甚膿色敗臭者胃氣虛
而火盛二惡也人參黃芪湯如不應用十全大補湯加麥門五味目視不正黑睛緊小白睛青赤腫子上
視者肝腎陰虛而目條急三惡也六味丸料加炒山梔麥門五味如不應八珍湯加炒山梔麥門五味

喘粗氣短恍惚嗜卧者脾肺虛火四惡也六君加大棗生薑如不應用補中益氣湯加麥門五味心火刑剋肺金人參平肺散陰火傷肺六味九加五味子煎服肩背不便四肢沉重者脾胃虧損五惡也補中益氣湯加山茱萸山藥五味如不應用十全大補湯加山茱萸山藥五味不能下食服藥而嘔食不知味者胃氣虛弱六惡也六君子湯加木香砂仁如不應急加附子聲嘶色敗唇鼻青赤面目四肢浮腫者脾肺俱虛七惡也補中益氣湯加大棗生薑如不應用六君子湯加炮薑更不應急加附子或用十全大補湯加附子炮薑腹痛泄瀉咳逆昏憤者陽氣虛寒氣內淫之惡症急用托裏溫中湯復用六君子湯加附子或加薑桂溫補此七惡之治法者也此外更有潰後發熱惡寒作渴或怔忡驚悸寤寐不寧牙關緊急或頭目赤痛自汗盜汗寒戰咬牙手撒身熱脈洪大按之如無或身熱惡衣欲投於水其脈浮大按之微細衣厚仍寒此血氣虛極傳變之惡症也若手足逆冷肚腹疼痛泄瀉腸鳴飲食不入呃逆嘔吐此陽氣虛寒氣所乘之惡症也若有汗而不惡寒或無汗而惡寒口噤足冷腰背反張頸項勁強此血氣虛極變症之惡症也急用參芪歸木附子救之間有可生者大抵虛中見惡症者難治實症無惡候者易治宋時齊院令雖嘗纂其狀而未具其因 皇明陶節菴雖各立一方亦簡而未悉予故補其缺云

論瘡瘍當明本末虛實三

瘡瘍之作皆由膏粱厚味醇酒炙煿房勞過度七情鬱火陰虛陽轉精虛氣節命門火衰不能生土榮衛虛弱外邪所襲氣血受傷而為患當審其經絡受證標本緩急以治之若病急而元氣實者先治其標病緩而元氣虛者先治其本或病急而元氣又虛者必先於治本而兼以治標大要瘡高骨痛膿水稠粘者元氣未損也治之則易漫腫微痛膿水清稀者元氣虛弱也治之則難不瘡不痛或漫腫黯黑不潰者元氣虛甚治之尤難者也主治之法若腫高焮痛者先用仙方活命飲解之後用托裏消毒散漫腫微痛者用托裏散如不應加薑桂若膿出而反痛氣血虛也八珍湯不作膿不腐潰陽氣虛也四君加歸芪肉桂不生肌不收斂脾氣虛也四君加芍藥木香惡寒憎寒陽氣虛也十全大補加薑桂補熱內熱陰血虛也

四物加參不飲嘔作嘔胃氣虛也六君加炮姜自汗盜汗五臟虛也六味丸料加五味子食少體倦脾氣虛也補中益氣加茯苓半夏喘促咳嗽脾肺虛也前湯加麥門五味欲嘔少食脾胃虛也人參理中湯腹瀉泄瀉脾胃虛寒也附子理中湯小腹痞足脛腫脾腎虛也十全大補湯加山茱山藥肉桂泄瀉足冷脾腎虛寒也前藥加桂附熱渴淋秘腎虛陰火也加減八味丸喘嗽淋秘肺腎虛火也補中益氣湯加減八味丸大凡怯弱之人不必分其腫潰惟當先補胃氣或疑參苓滿中間有用者又加發散敗毒所補不償所損又有泥於氣質素實或有疾不服補劑者多致有悞殊不知瘡瘍之作緣陰陽虧損其膿既泄氣血愈虛豈有不宜補者哉故丹溪先生云但見腫痛奈之脈症虛弱便與滋補氣血無虧可保終吉

論瘡瘍用鍼宜禁四

瘡瘍之症毒氣已成者宜用托裏以速其膿膿成者當驗其生熟深淺而鍼之若腫高而軟者發於血脈腫下而堅者發於筋脈肉色不變者附於骨也小按便痛者膿淺也大按方痛者膿深也按之而不復起者膿未成也按之而復起者膿已成也膿生而用鍼氣血既泄膿又難成若膿熟而不鍼腐潰益深瘡口難斂若瘡深而鍼淺內膿不出外血反泄若瘡淺而鍼深內膿雖出良肉受傷若元氣虛弱必先補而後鍼其膿一出諸症自退若膿出而反痛或煩躁嘔逆皆由胃氣虧損宜急補之若背瘡熱毒熾盛中央肉黯內用托裏壯其脾胃外用烏金膏塗於黯處其赤處漸高黯處漸低至六七日間赤黯分界自有裂紋如刀劃然黯肉漸潰矣當用鈇鍼利剪徐徐去之須使不知疼痛不見鮮血為妙雖有裂紋膿未流利及膿水雖出而仍痛者皆未通於內並用鍼於紋中引之患於背脾之間肉腐膿出腫痛仍作此內有毒筋間隔膿未通耳尤宜引之若元氣虛弱誤服剋伐患處不痛或肉將死急溫補脾胃亦有生者後須純補之藥庶可收斂若妄用刀鍼去肉出血則氣無所依附氣血愈虛元氣愈傷矣何以生肌收斂乎

論瘡瘍欲嘔作嘔五

瘡瘍作嘔不可泥於毒氣內攻而概用敗毒等藥如熱甚熾痛邪氣實也仙方活命飲解之作膿熾痛胃

氣虛也托裏消毒散補之膿熟脹痛氣血虛也先用托裏散後用鍼以泄之炊痛便秘熱蘊於內也內疎黃連湯導之若因寒藥傷胃而嘔者托裏健中湯胃寒少食而嘔者托裏益中湯中虛寒淫而嘔者托裏溫中湯肝木乘脾土而嘔者托裏抑青湯胃脘停痰而嘔者托裏清中湯脾虛自病而嘔者托裏益黃湯鬱結傷脾而嘔者托裏越鞠湯若不詳究其源而妄用攻毒之藥則腫者不能潰潰者不能斂矣丹溪雖曰腫瘍時嘔當作毒氣攻心治之潰瘍時嘔當作陰虛補之殊不知此大概言之耳即內經諸痛癢瘡皆屬心火之意況今之熱毒內攻而嘔者寡脾胃虛寒而嘔者多豈可執前聖之言而藥今人之病歟

治驗

進士張德弘背疽微腫微赤飲食少思余用六君等藥膿成而潰再用大補陽氣之類肉生而斂忽寒熱作嘔患處作腫候其脈浮大鼓指按之若無形氣味倦余謂之曰此胃氣虛憊非瘡毒也彼云果因侵晨登廁聞穢氣始作信夫先生胃虛之說也用托補而斂

一男子腹患癰腫硬不潰乃陽氣虛弱嘔吐少食乃胃氣虛寒法當溫補脾胃假如瘰癧赤痛甚煩躁脈實而嘔為有餘當下之腫硬不潰脈弱而嘔為不足當補之若痛傷胃氣或感寒邪穢氣而嘔者雖腫瘍猶當助胃壯氣彼不信仍服攻伐藥而果歿

論瘡瘍用汗下藥六

仲景先生治傷寒有汗吐下三法東垣先生治瘡瘍有疏通托裏和榮衛三法用之得宜厥疾瘳矣假如瘡瘍腫硬木悶煩熱便秘脈沉而實其邪在內當先疏其內以下之炊瘰作痛便利調和脈浮而洪其邪在表當先托其裏以汗之元戎云榮衛充滿抑遏而為癰者當泄之以奪盛熱之氣榮衛虛弱壅滯而為癰者當補之以接虛怯之氣又東垣先生云瘡瘍雖面赤伏熱不得攻裏裏虛則下利仲景先生云瘡家雖身體疼痛不可發汗汗之則發瘡苟不詳審妄為汗下以致血氣虧損毒反延陷少壯者難以潰斂老弱者多致不救

治驗

給事錢南溟。患腹癰。已成。余用托裏之藥。漸起發。彼惑於眾論。用行氣破血以圖內消。形體甚勸。飲食益少。患處頓陷。色黯堅硬。按之不痛。余用大補之劑。色赤腫起。膿熟。鍼之。再用托裏。腫硬漸消而愈。

一男子腹內作痛。腹外微腫。或用藥汗之外。無形色。脈數無力。此元氣虧損。毒不能外起。遂與參芪歸木之類。數劑。漸發於外。又數劑。膿成。而欲鍼之。惑於人言。用大黃白芷穿山甲之類。引膿從便出。以致水瀉不止。患處平陷。自汗盜汗。發熱作渴。不食。仍用前藥。加半夏陳皮薑桂四劑。形氣漸復。又數劑。鍼去其膿。仍用補劑。喜年幼未婚得痊。

論瘡瘍圍寒涼之藥七

內經云。五臟不和。九竅不通。六腑不和。留結為癰。又云。形傷痛。氣傷癰。此則臟腑不和。瘡發於外也。明矣。塗貼寒涼。豈能調和臟腑。宣通氣血耶。設使腫痛熱渴。脈滑數而有力。屬純陽。宜內用濟陰丹。外用益陽散。則熱毒自解。瘀滯自散。若似腫非腫。似痛非痛。似潰不潰。似赤不赤。脈洪數而無力。屬半陽半陰。宜內用沖和湯。外用陰陽散。則血氣自和。瘀滯自消。若微腫微痛。或色黯不痛。或堅硬不潰。脈洪大。按之微細軟弱。屬純陰。宜內服回陽湯。外敷抑陰散。則脾胃自健。陽氣自回。丹溪先生云。敷貼之劑。應酬輕小熟症耳。若不辨其陰症陽症之所由分。而妄敷寒涼之劑。迷塞腠理。凝滯氣血。毒反內攻。而肉反死矣。况運氣得寒而不健。瘀血得寒而不散。瘀肉得寒而不潰。新肉得寒而不生。治者審焉。

治驗

閩老翟石門子。耳下作痛。內服外敷。皆寒涼敗毒。更加腫痛。項間腫硬。肉色如故。內炊連胸。余適考滿到京。邀視之。雖腫堅而脈滑數。此膿內潰也。雖足三陽熱毒之症。為寒涼凝結。不能外潰。先用六君子補中益氣各二劑。調補脾胃。并發陽氣。患處亦軟。鍼出瘀膿甚多。仍服至數劑而愈。

地官李北川。腿患癰。內外用敗毒寒涼。因痛極。刺出瘀膿。方知為癰。瘡口開張。肉紫冷陷。外無腫勢。此陽

氣虛寒而不能收斂用豆豉餅六君子加藿香砂仁炮薑飲食進而患處煖再以十全大補湯元氣復而瘡口愈

一男子腿腫一塊經年不消飲食少思強食則脹或作瀉日漸消瘦兩尺脈微細此命門火衰不能生土以致脾胃虛寒以八味丸治之飲食漸進腫患亦消

論瘡瘍泥用定痛散八

瘡瘍之作由六淫七情所傷其痛也因氣血凝滯所致假如熱毒在內便秘而作痛者內疎黃連湯導之熱毒熾盛焮腫而作痛者黃連解毒散治之不應仙方活命飲解之瘀血凝滯而作痛者乳香定痛散和之作膿而痛者托裏消毒散排之膿脹而痛者針之膿潰而痛者補之若因氣虛而痛四君加歸芪血虛而痛四物加參芪腎虛而痛六味地黃丸口乾作渴小便頻數者加減八味丸此皆止痛之法也丹溪先生云膿出而反痛此為虛也宜補之穢氣所觸者和解之風寒所逼者溫散之若泥用乳沒斯執方矣

治驗

鴻臚蘇龍溪小腹內腫脹作痛大小便秘結作渴飲冷脈洪數而實用黃連解毒二劑腫痛頓止二便調和用活命飲而全愈

一儒者臂患癰疽焮痛甚用活命飲隔蒜灸而消後因飲食勞倦腫痛發熱惡寒頭疼用補中益氣湯頻用葱熨法兩月餘而消

一婦人脇下作痛色赤寒熱用小柴胡湯加山梔川芎以清肝火而愈但經行之後患處作痛用八珍湯以補氣血而安若肝膽二經血燥氣逆所致當用小柴胡湯加山梔膽草為歸主之若久而脾胃虛弱用補中益氣為主若兼氣鬱傷脾而患間以歸脾湯若朝涼暮熱飲食少思須以逍遙散為主

論瘡瘍用生肌之藥九

夫肌肉者脾胃之所主收斂者氣血之所使但當純補脾胃不宜反散生肌之劑大補湯元氣復而

者血熱也四物加山梔連翹色白而無神者氣虛也四君加當歸黃芪補熱肉熱陰血虛也四物加參朮
膿水清稀者氣血虛也十全大補湯食少體倦脾氣虛也補中益氣湯煩熱作渴飲食如常胃火也竹葉
黃芪湯不應竹葉石膏湯熱渴而小便頻數腎水虛也用加減八味丸料煎服若敗肉去後新肉微赤四
沿白膜者此胃中生氣也但用四君子湯以培補之則不日而斂若妄用生肌之藥餘毒未盡而反益甚
耳殊不知瘡瘍之作由胃氣不調瘡瘍之作由胃氣腐化瘡瘍之斂由胃氣榮養東垣先生云胃乃生發
之源為人身之本丹溪先生亦謂治瘡瘍當助胃壯氣使根本堅固誠哉是言也可不慎歟

治驗

銀臺鄭敬齋腿患癰瘡口不斂余考績到京請治者皆用十宣散之類云旬日收斂至今未應何也余診
其脈浮大按之微細此因脾氣虛弱遂用補中益氣加茯苓半夏壯其脾胃不數日而瘡斂矣

崑庠王子大背患疽年餘瘡口少許不斂色黯陷下面色痿黃形氣怯弱脈浮緩而濡此脾肺氣虛也用
十全大補湯加附子少許數劑而元氣漸復却去附子又三十餘劑全愈而領鄉薦

論瘡瘍去腐肉十

瘡瘍之症膿成者當辨其生熟淺深肉死者當驗其腐潰連脫丹溪先生云癰疽因積毒在臟腑當先助
胃壯氣為主使根本堅固而行經活血佐之令其內消余嘗治脈症虛弱者用托裏之藥則氣血壯而肉
不死脈證實熱者用清熱之劑則毒氣退而肉自生凡瘡聚於筋骨之間肌肉之內皆因血氣虛弱用十
全大補湯壯其脾胃則未成自散已成自潰又何死肉之有若不大痛或木痛或不赤或內膿不潰或外
肉不腐乃氣血虛弱宜用桑枝灸及十全大補加薑桂壯其陽氣則四畔即消瘡頭即腐其毒自解又何
待於針割若脾胃虛弱飲食少思用六君倍加白朮壯其榮氣則肌肉受毒者自活已死者自潰已潰者
自斂若初起或因剋伐或犯房事以致色黯而不痛者乃陽氣脫陷變為陰症急用參附湯溫補回陽亦
有可生

治驗

吳序史邦直之內仲夏患背疽死肉不潰發熱痛甚作嘔少食口乾飲湯脈洪大按之如無此內真寒而外假熱當捨時從症先用六君加炮薑肉桂四劑飲食頓進諸症頓退復用十全大補湯仍加薑桂之類五十餘劑而死肉潰又五十餘劑而新肉生斯人氣血克盛而瘡易起易斂使醫者逆知預為托裏必無此患

論瘡瘍未潰用敗毒之藥十

瘡瘍之症當察經之傳受病之表裏人之虛實而攻補之假如瘡痛熱渴大便秘結者邪在內也疏通之瘡焮作痛寒熱頭疼者邪在表也發散之焮瘡痛甚者邪在經絡也和解之微瘡微痛而不作膿者氣血虛也補托之漫瘡不痛或不作膿或膿成而不潰者氣血虛甚也峻補之色黯而微瘡痛或膿成不出或腐肉不潰者陽氣虛寒也溫補之若泥其未潰而槩用敗毒復損脾胃不惟腫者不能成膿而潰者亦難收斂七惡之症蜂起多致不救丹溪先生云瘡瘍內外皆壅宜以托裏表散為主如欲用大黃當無孟浪之非潰瘍內外皆虛宜以托裏補接為主如欲用香散未免虛虛之失治者審之

治驗

一男子不慎房勞背脚腫高三寸許濶徑尺餘自汗盜汗內熱發熱口乾飲湯脈浮大按之弱濇此精虛氣節為患用十全大補加參朮五味山茱山藥四劑諸症悉退因余他往別用流氣飲一劑虛症悉具腫硬如石余仍以前藥六劑而愈

一儒者背腫一塊按之則軟肉色如故飲食如常勞則吐痰體倦此脾氣虛而痰滯用補中益氣加茯苓半夏少加羌活外用陰陽散以薑汁調搽而消後因勞頭暈作嘔仍以前藥去羌活加生薑薑荊子而愈崑庠馬進伯母左腳連脇作痛遣人索治余意此鬱怒傷肝脾用六君加桔梗枳殼柴胡升麻彼別用瘡藥益甚始請治其脈右關弦長按之軟弱左關弦洪按之濇滯乃脾土不及肝木太過因飲食之素七情

之火也遂用前藥四劑脈症悉退再加芎歸全愈此等症誤用行氣敗毒破血導痰以致不起者多矣

論瘡瘍用鍼勿忌鬼神

鍼灸之法有太乙人神周身血忌逐年鬼神逐日人神而其穴有禁鍼禁灸之論犯之者其病難瘳理固然也但瘡瘍氣血已傷肌肉已壞宜迎而奪之順而取之非平人鍼灸之比何忌之有外科精義云瘡瘍之症毒氣無從而解膿瘻無從而泄反攻於內內既消敗欲望其生豈可得乎危惡之發於致命之所禍在反掌腹癰囊癰二便不通胸腹脹悶唇疔喉痺咽喉腫塞其禍尤速患者審之

論瘡瘍陽氣脫陷

瘡瘍陽氣脫陷或因剋伐之劑或因膿血大泄或因吐瀉之後或因誤而入房若發熱頭痛小便淋瀝或滑數使血目赤煩喘自汗發熱氣短頭暈體倦熱渴意欲飲水投水惡寒憎寒身熱惡衣揚手擲足汗出如水腰背反張擲聲不絕此無根虛火之假熱症若畏寒頭痛咳逆嘔吐耳瞶目昧小便遺難瀉利腸鳴裏急腹痛玉莖短縮冷汗時出牙齒浮痛肢體麻痺或厥冷身痛或咬舌啞唇舌根強硬此陽氣脫陷之真寒症皆勿論其脈勿論其瘡但見一二急用參附湯補之多有復生者大凡潰後勞役元氣虧損或夢遺精脫或滑數便血或外邪乘之或誤用寒涼氣血脫陷而致斯症治以前藥亦有復生者

治驗

內翰楊臯湖孟夏患背疽服剋伐之劑二旬餘矣漫腫堅硬重如負石隔蒜灸五十餘壯背遂輕以六君加砂仁二劑涎沫涌出飲食愈少此脾虛陽氣脫陷劑用溫補反嘔不食仍用前藥作大劑加附子薑桂又不應遂以參耆各一斤歸木陳皮各半斤附子一兩煎服三日而盡流涎頓止腐肉頓潰飲食頓進再用薑桂等藥托裏健脾腐脫而瘡愈矣

少參史南湖之內夏患疽不起發脈大而無力發熱作渴自汗盜汗用參耆大補之劑益加手足逆冷大便不寬喘促時嘔脈微細按之如無惟太衝不絕仍以參耆白朮當歸茯苓陳皮計斤許加附子五錢水

煎二鍾作一服諸症頓退脈息頓復翌日瘡起而潰仍用前藥四劑後日用托裏藥調理兩月餘而消
遂婦卧床十三年矣嘉靖癸卯遭回祿一加憂鬱甲辰三月右肩下發一塊炊腫如甌中赤外白先用涼
藥一劑不解次用十宣散四劑加痛畧紅迎徐南樓視之連投參耆丁桂防止之劑膿潰徐云無恙矣辭
後眩暈嘔逆惡寒戰慄項陷膿清偶檢翁外科發揮至發背門云若初起一頭如黍不瘡不赤煩躁便秘
四五日間生頭不計其數瘡口各如含一粟名曰蓮房發云云始駭為惡症治法雖詳不諳於行迎翁至
診云辛涼解散氣血兩虛者忌之連投參耆歸木地黃薑附大劑腫高膿稠兼砭烏金膏數日果腐落筋
如脂膜者數片人參每服加至八錢日進二服逾兩月平復立齋翁術之淵微他醫孰能知之病婦非翁
必誤入鬼錄矣謹附此以告後人毋為時醫之誤當知翁術之奇布在方策德澤普濟與天地同悠久矣
晚生陳遜頓首識

論瘡瘍發熱煩躁

瘡瘍發熱煩躁或出血過多或潰膿大泄或汗多亡陽或下多亡陰以致陰血耗散陽無所依浮散於肌
表之間而非火也若發熱無寐血虛也用聖愈湯兼汗不止氣虛也急用獨參湯發熱煩躁肉膈筋惕氣
血虛也用八珍湯大渴面赤脈洪大而虛陰虛發熱也用當歸補血湯肢體微熱煩燥面赤脈沈而微陰
盛發躁也用四君加薑附東垣云晝發熱而夜安靜是陽氣自旺於陽分也晝安靜而夜發熱是陽氣下
陷於陰中也如晝夜俱發熱者重陽無陰也當峻補其陰故王太僕云如大寒而甚熱之不熱是無火也
當治其心如大熱而甚寒之不寒是無水也熱動復止倏忽往來時動時止是無水也當助其腎故心盛
則生熱腎盛則生寒腎虛則寒動於中心虛則熱收於內又熱不勝寒是無火也寒不勝熱是無水也夫
寒之不寒責其無水熱之不熱責其無火熱之不久責心之虛寒之不久責腎之弱治者當深味之

治驗

操江都憲伍松月背瘡愈後大熱誤為熱火用苦寒藥一鍾寒熱益甚欲冷水浴身脈浮大按之全無余

曰此陽氣虛浮於肌表無根之火也急用六君子加附子一劑即愈

春元沈震川之內暑月面生瘰癧乘涼入風面目浮腫越二日左臂腫痛癰疹如丹背脇髀股等處發腫塊三四肉色不紅痛甚晝夜呼號寒熱往來飲食不思服活命飲及行氣敗毒之劑其勢愈熾肝脈浮瀉脾脈弦弱此屬二經榮氣不行風邪乘虛流注經絡為患先以八珍加黃芪柴胡青皮數劑腫處漸漸紅覺又以十全大補加金銀花白芷龍膽草貝母十餘劑脇腿二處潰膿碗許餘塊漸平仍服十全大補湯調理月餘而安向使專於祛風攻毒鮮不敗事矣

一儒者患流注發熱作渴頭痛自汗脈洪大按之無力此氣血虛寒也用十全大補加麥門五味治之其症益甚仍用前藥加附子一錢四劑諸症悉退却去附子加玉桂二十餘劑氣血漸復又因勞心發熱惡寒飲食減少此脾胃復傷元氣下陷用補中益氣加附子一錢二劑熱止食進仍用大補元氣而安後因考試不利懷抱不舒更兼勞役飲食日少形氣日衰吐痰作渴頭痛惡寒或熱來復去或不時而動仍用補中益氣數劑諸症漸愈元氣漸復乃去附子再加肉桂五分百餘劑而愈

一男子背瘡不斂小便赤澀腰痠發熱口乾體勸脈洪數而無力用參耆歸木熟地芍藥陳皮麥門五味炙草肉桂以補元氣引火歸經脈症益甚此藥力未能及也再劑頓退却去肉桂又數劑而愈此症因前失補元氣故耳

論瘡瘍輕症用重劑

五

人身血氣有虛實瘡瘍所發有輕重治療之法有攻補元戎云若人氣血壅盛榮衛充滿抑遏不行腐化而為癰者當泄之以奪盛熱之氣若人飲食少思精神衰弱榮衛短澀寒搏而為癰者當補之以接虛怯之氣丹溪先生云瘡瘍內外皆虛宜以補接行散為主大抵用藥之法如執權衡當察病勢輕重邪畜表裏瘡毒癰潰元氣虛實若不詳究其因率爾投治實實虛虛七惡之禍不能免矣治者審之

治驗

吳序盛原博掌後患疔紅絲至腕惡寒發熱勢屬表症與奪命丹一服紅絲頓消又用和解之劑大勢已退彼別服敗毒藥發熱口乾紅絲仍見脈浮大而虛此氣血受傷而然以補中益氣湯主之而愈蓋奪命敗毒性尤猛烈瘡邪已散而復用之是誅伐太過失內經之旨矣

一儒者元氣素弱余補其氣血出膿而愈後因勞復瘡痕作癢乃別服敗毒藥一劑以致口噤舌強手足搐搦痰涎上涌自汗不止此氣血傷而發瘕也用十全大補加附子一錢灌服而甦

一男子患疔服奪命丹汗不止而瘡不痛熱不止而便不利此汗灸亡陽毒氣盛而真氣傷矣用參芪歸朮芍藥防風五味二劑諸症悉愈惟以小便不利為憂余曰汗出不宜利小便汗既止陽氣復而自利矣仍用前藥去防風加麥門倍用當歸黃芪四劑便行瘡潰而愈

論瘡瘍當捨時從症計

經云諸痛癢瘡瘍皆屬心火若瘰癧赤煩躁發熱引冷便秘作渴脈洪數實是其常也雖在嚴寒之時必用大苦寒之劑以瀉熱毒若脈細皮寒瀉利腸鳴飲食不入嘔吐無時手足逆冷是變常也雖在盛暑之時必用大辛溫之劑以助陽氣內經曰用寒遠寒用熱遠熱有假者反之雖違其時必從其症

論瘡瘍大便秘結

東垣先生云瘡瘍熱毒深固嘔哕心逆發熱而煩脈沉而實瘰癧硬水悶大便秘結此毒在臟宜疎通之故曰疎通其內以絕其源又曰瘡瘍及諸病面赤雖伏火熱不得妄攻其裏而陽氣拂鬱邪氣在經宜發表以去之故曰火鬱則發之凡大便不通飲食雖多肚腹不脹切不可通若腹痞脹而不通者乃直腸乾涸也宜用豬膽汁導之若腸胃氣虛血涸而不通者宜用十全大補湯培養之若瘡症屬陽或因入房傷腎而不通者宜用前湯加薑附回陽多有得生者經云腎開竅於二陰藏精於腎津液潤則大便如常若潰瘍有此因氣血虧損腸胃乾涸當大補為善設若不審虛實而一於疎利者鮮有不誤

治驗

舍親居賓陽仲夏患發背點腫尺餘皆有小頭如鋪黍狀四日矣此真氣虛而邪氣實逆隔熱灸服活命飲二劑其邪頓退乃純補其真又將生脈散以代茶飲瘡邪大退余因他往三日復視之飲食不入中央肉死大便秘結小便赤濁余曰中央肉死毒氣盛而脾氣虛也大便不通腸虛而不能傳送小便赤濁脾虛而火下陷治亦難矣彼始云莫非間斷補藥之過予曰然乃急用六君子加當歸柴胡升麻飲食漸進大便自通外用烏金膏塗中央三寸許四圍紅腫漸消中央黑腐漸去乃敷當歸膏及地黃丸與前藥間服將百劑而愈

一男子腿患癱因服剋伐虧損元氣不能成膿余為托裏而潰大補而斂但大便結燥用十全大補湯加麥門五味而潤月餘仍結惑於人言乃服潤腸丸而瀉不止余用補中益氣送四神丸數服而止

論瘡瘍大便瀉利

瘡瘍大便泄瀉或因寒涼剋伐脾氣虧損或因脾氣虛弱食不化或因脾虛下陷不能升舉或因命門火衰不能生土或因腎經虛弱不能禁止或因脾腎虛寒不能司職所主之法若寒涼傷脾用六君加木香砂仁送二神丸脾虛下陷用補中益氣送二神丸命門火衰用八味丸料送四神丸腎虛不禁用薑附湯加吳茱萸五味脾腎虛寒用參附湯送四神丸病機云脈沉而細身不動作睛不瞭瞭飲食不下鼻準氣息者薑附湯主之身重四肢不舉者參附湯主之仲景先生云下利腸鳴當溫之脈遲緊痛未止當溫之大孔痛當溫之心痛當救裏可與理中附子四逆輩精要云癰疽嘔瀉腎脈虛者不治此發內經之微旨也凡此實難治之症如按前法治之多有可生者

治驗

御醫王彭峯之內年逾四十背疽不起發泄瀉作嘔食少厥逆脈息如無屬陽氣虛寒用大補劑加附子薑桂不應再加附子二劑瀉愈甚更以大附子薑桂各三錢參芪歸木各五錢作一劑腹內始熱嘔瀉乃止手足漸溫脈息遂復更用大補而潰再用托裏而斂十年後仍患脾胃虛寒而發

論瘡瘍小便淋漓頻數不利

瘡瘍小便淋漓頻數或莖中澀者腎經虧損之惡症也宜用加減八味丸以補陰足脛逆冷者宜用八味丸以補陽若小便頻而黃者宜用四物湯加麥門參朮五味以滋肺腎若小便短而少者宜用補中益氣加山藥麥門五味以補脾肺若熱結膀胱而不利者宜用五淋散以清熱若脾氣燥而不能化者宜用黃芩清肺飲以滋陰若膀胱陰虛陽無以生者宜用六味丸若膀胱陽虛陰無以化者宜用滋腎丸腎虛之患多傳此症非滋化源不救若用黃柏知母反瀉其陽以速其危若老人陰痿思色精內敗莖中痛而不利者用加減八味丸加車前牛膝不應更加附子多有復生者若精已竭而復耗之大小便中壅痛愈痛則愈便愈便則愈牽痛以前藥加附子亦有復生者王太僕云無陰則陽無以化無陽則陰無以生當滋其化源苟專用淡滲復損真陰乃速其危也

治驗

職坊王的塘背疽潰後小便淋漓或時自遺作渴引飲煩熱不寐瘡口嫩赤時或如灼時或便遺余曰此腎虛之惡症用加減八味丸加麥門數劑而痊

太守朱陽山患背疽漫腫色黯微痛作渴瘡頭數十左尺洪數按之無力此腎虛之症先用活命飲二劑以殺其毒午前以參芪歸朮之類壯氣血午後以加減八味丸料固腎氣喜其未用敗毒之藥元氣未損故數日膿出肉腐而愈

駕部林汝玉冬不衣綿作渴飲冷每自喜壯實晒余衣綿診其脈數大無力余曰至火令當求余也三月間果背熱便秘脈沈用四物加苓連山梔數劑大便稍和却去苓連加參朮茯苓二十餘劑及前九半斤許渴減六七背熱亦退至夏背發一疽純用托裏之劑而斂

封君袁懷雪背疽發熱作渴脈數無力用四物加黃柏知母玄參山梔連翹五味麥門銀花背疽漸退又加白芷參芪腐肉盡潰因停藥且勞熱渴仍作乃以參芪歸朮炙甘草山藥山茱萸茯苓澤瀉肉桂而愈又以